

堅

瓠

集

序

天中門生

余自辛未歲歸里畱寓海湧峰
岑寂無賴辱褚先生稼軒攜履
過訪相見恨晚余亦時往過從
稼軒意氣豪邁跌蕩聲酒謝安
石之絲竹孔文舉之壺觴致足

樂也年少時與諸名士較勝文
壇譽日益起旣乃有子雲之悔
益肆志於前代之載二酉四庫
之藏靡不博覽而究心焉發爲
詩古文辭類足以度越流俗追
復正始而間以其暇搜錄秦漢

以迄故明歷代軼事并訪諸故
老之舊聞摘其佳事佳話之尤
者次爲一編命之曰堅瓠集余
伏而讀之恍乎見所未見又別
有意致可風不獨以蹟隱見奇
也昔龍門氏博綜載籍又窮極

河嶽之觀發揮制作成諸史之
冠劉宋臨川王義慶採輯典午
一代微言旁及漢魏談論雋永
可味者集爲世說今稼軒所著
其信古傳述之功則龍門也而
詞旨雅馴成一家言則兼有臨

川之長矣因稼軒之持以示余
而并以序屬之余也爲聊綴數
語如此

康熙乙亥首夏望後十日

年家同學弟孫致彌松坪

漫題

堅瓠十集卷之一目錄

還金

無庵贊頌

銀童

銀精

討論濫賞詞

龍九子

俚詩有本

令喻意

作誌修史

冤懺

葉子

紙牌說

戒角文

周鐵樹傳

食異

洗筆池

甘泉寺

炫綬巾帶

召以演戲

合肥知縣

門神贊

王好戰

三朝建言

嘲竊句

判鼠

戲臺對聯

佛汗

聖人前知

牛角山河

嘲王禹玉

壁虎龍虎

放生池記

龍虎對

是他家屬

李楊相詐

嚴高相詐

改勸學詩

張陸題句

狀元宰相

艾裳謎

張羅峰去位

嘲續絃

贈婚

持水上壽

印事對

詩授司徒

李西涯誥文

別號

御史口吃

張幼千謎

解跌

壁間巧對

許子不憚煩

一節三分

字謎

十可笑

肉事

隱軍字

蒙古對

事物自然對

人以臣名

堅瓠十集卷之一

長洲石農褚人獲學稼纂輯

還金

崇禎辛巳鄭母姨有粵西之行以一篋寄
先孺人約值千金爲表姝歸時遣嫁之資
甲申歲先孺人棄世值國變舉家出避中
更武人據屋流離播遷幾至破家先君防
護惟謹幸而獲全出粵兵阻音問不通者

十餘年迨車書混一陸起頑先生自粵中
歸詢知母姨已棄世表姊亦有所適遠去
不歸乃約鄭調甫先生同子堅表兄照母
姨親筆單點還子堅初不知是事喜出望
外先君謂之曰爲汝看守十餘年今幸完
璧歸趙吾心始安矣此事在古人中亦爲
難得先君於流離播遷之際護持不失爲
尤難其所以遺吾子孫者厚矣凡吾子孫

皆當勉旃

無菴贊頌

湧幢小品孟無菴珙任荆湖制帥創書院
以處流寓之士每日見客雖數十百人一
一接談凡有投獻並入袖中客退以所受
文書令館客逐一朗誦而諦聽之可行者
付出不可行者贖之行嘗自作無菴贊云
老拙愛遊戲忙裏放癡憨正當任麼時無

處見無菴混沌菴之基太朴菴之梁太始
菴之柱太極菴之坊兩儀菴之戶三才菴
之房四象菴之壁八卦菴之窓白雲菴之
頂清風菴之墻誰人運斤斧大匠曰羲皇
明月爲伴侶萬古其如常欲知吾富貴秋
水共天長水雲不到處一片玉壺光臨終
又有頌曰有生必有滅無菴無可說踢倒
玉崑崙夜半紅日出

銀童

聞見卮言秀水賈人黃豫松買舟至嘉興
糴米值疾作擁衾而臥艤舟於岸一童求
附舟舟人堅拒之童竟突入艙中黃疾甚
不知也舟人疑爲黃所留矣明日黃見之
問而知其無所歸乃携至家入門仆地驚
視之乃白銀鑄成人也秘藏別室香火奉
祀家遂富後黃之子褻慢童童遂去家亦

漸落

銀精

碣石剽談一宅每多鬼怪有人買之夜宿
其中遙聞嘈嘈人語起聽在西壁下其語
謂吾輩主來矣似慶賀者頃之又聞愁歎
聲謂相聚多年今將分離矣主人暗喜異
有所見忽見一白衣老人至曰吾乃銀精
也壁下有銀若干待公久矣任君掘出營

運惟吾銀精不可鑿亦不可鎔化倘得存
守且能增益多金次日果于壁下掘銀若
千錠內一錠晶光奪目識爲銀精謹藏笥
中焚香祝拜或襍之羣銀中則倍增益

討論濫賞詞

紹興初范覺民爲相悉革崇寧以來創立
濫賞官職自後應補選官每事各爲一項
建議討論並取朝廷指揮雖公論富然而

失職者謗議蜂起有改東坡行香子詞云
清要無因舉選艱辛繫書錢須足十分浮
名浮利虛苦勞神歎旅中愁心中悶部中
身雖抱文章苦苦推尋更休說誰假誰真
不如歸去作箇齊民免一回來一回討一
回論大書粘于內前牆上邏者得之以聞
時劉豫方據河南朝論慮搖人心亟罷討
論之舉覺民爲臺諫所攻竟去相位云

龍九子

龍生九子不成龍各有所好明孝宗書小
帖以問內閣李西涯西涯不能悉乃據羅
圭峰玘劉蘆泉續之言具疏以聞西涯言
子楊升庵升庵爲西涯承上問而不蔽下
臣之美賢相之盛節錄於集中一曰鼉屬
避戲形似龜好負重今石碑下龜趺是也
二曰螭吻形似獸性好望今殿脊獸頭是

也三曰蒲牢形似龍性好叫吼今鐘上獸
鈕是也四曰狴犴形似虎有威力故立于
獄門五曰饕餮好飲食故立于鼎蓋六曰
蚣蝮性好水故立于橋柱七曰睚眦性好
殺故立于刀環八曰金猊形似獅性好烟
火故立于香爐九曰椒圖形似螺蚌性好
閉故立于門鋪首又有金吾似美人首尾
似魚有兩翼性通靈不寐故用警巡然升

唐無所引証且與金吾而爲十矣胡承之
侍真珠船亦有龍九子并載西涯事其名
不同一曰囚牛好音樂胡琴上所刻是二
曰睚眦力柄龍吞頭是三曰嘲風性好險
殿角走獸是四曰蒲牢好鳴鐘上獸紐是
五曰狻猊好坐佛座獅子是六曰霸下
好負重碑座獸是七曰狴犴好訟獄門所
畫獸是八曰赑屃好文石碑兩傍所畫龍

是九曰蚩吻好吞殿脊獸頭是各有引証
以爲其說不經援史傳睡眡必報等語以
証睡眡之非蒲牢海邊獸各班因東都賦
註海中有大魚曰鯨蒲牢畏鯨鯨擊蒲牢
輒大鳴凡鐘欲令聲大故作蒲牢于上而
刻鯨形以撞之狻猊穆天子馬日走五百
里爾雅云狻猊如彪滸貓食虎豹郭璞註
卽獅子也出西域狻猊韻會曰狻猊子也

犬所以守故謂獄爲犴字林云犴犴同胡
地野狗似狐黑喙周官士射犴註犴胡
犬其守在夸士以能勝四夸之守爲善故
射之埤雅云犴善守故獄曰犴犴犴西京
賦巨靈最肩註壯大貌吳都賦巨鰲最肩最
註用力貌蚩吻當作鵠尾王子年拾遺記
鯨沉羽淵化爲玄魚後人修玄魚祠以祀
之見其浮躍出水長百尺噴水激浪必降

大雨漢世越巫請以鵠魚尾厭火災今之
獸頭鵠尾是也唐會要漢武柏梁臺災越
巫言海中有魚名虬其尾似鵠激浪則降
雨遂作其形置千殿脊以厭火南史蕭摩
訶詔其廳事寢堂并置鵠尾諸書並不見
有龍子之說因牛勸下嘲風俱無考証劉
勰父元卿賢奕亦載諸物名云見山海經
博物志亦無龍九子之說其鱣屬蒲牢金

猊椒圖螭吻金吾說與升庵同他如憲章
形似獸有威性好囚立于獄門蜥蜴形似
獸鬼頭性好腥立于刀柄蠻蛇形似龍性
好風雨立于殿脊螭虎形似龍性好文采
立于石碑兩旁蚘螻刀哲形似龍而小性
好險故立護朽上鰲魚形似龍好吞火故
立于屋脊獸吻形似獅子性好食陰邪故
立門鐙上饕餮性好水立于橋柱按饕餮

韵彙等書作貪食貌升庵好飲食立問蓋
之說爲是好水未識何據升庵以蚣蝮爲
好水而陸儼山金臺紀聞又以蚺蝮爲好
飲云鴟鴞氏生三子長曰蒲牢次曰鴟吻
說亦與升庵同三曰蚺蝮好飲卽今鼎口
蒲蝮字所置是也鼎口上以石鑿獸置兩
旁狀似蜥蜴首下尾上名曰蚺蝮諸說各
異備書之以俟博物君子訂正焉

俚詩有本

茅鹿門先生文章擅海內尤工敘事誌銘
爲明代大家晚喜作詩自稱半路修行語
多率易次子國縉登第喜而口占曰堂前
正索千金賞門外高懸五次旗聞者皆笑
然唐黃滔已先之矣滔放榜詩云白馬嘶
風三十轡朱門秉燭幾千家御試曰九華
燈作三條燭萬乘君懸四首旗以古准今

如出一手則先生亦未可笑也

令喻意

雲間一紳與吾郡某生爲戚屬而有隙延至家飲食款待嚴其出入思以計中傷某孝廉知之席間設令喻意曰波濤連逃言風波旣起宜逃遁也生伴曰壺觴何傷一日生素厚某宦之僕見縣盜案竄生各欲捕歸告其主統衆往救生已逸出買舟潛

置他所得免彼此訐告不已

作誌

正德中杭州金編修美之瑯爲外家張氏
作墓誌謹依金石例不書婦姓婦家乃俗
人也意美之輕已而出言詆之張教諭子
興口占長短句嘲曰張翁墓誌金生執筆
不書姓氏婦家稱屈金生自謂能文字纔
動筆時便忍氣韓退之柳州蘇東坡歐

陽修當時墓誌做多少畢竟門前罵不休

冤懺

冤懺載詩云自古文章推李杜如今李杜
忒稀奇某公懺懺遭蛇嚇馮婦龍鐘被狗
欺雜萋零駟墻玉賦失粘走韻省耕詩若
教修史直羞死勝國君臣也皺眉雪顛子
題其揭曰是是非非何日休序班詩伯兩
綢繆前生必有因緣在不是冤家不聚頭

葉子

葉子不知所起其式必須官樣我蘇桃花
塲太倉衛前崑山司馬橋爲牌藪以夾青
純綿紙者爲上按文獻通考有葉子格戲
晁氏云不著撰人世傳葉子晚唐時婦人
也撰此戲李節之藝林彙百云唐太宗問
一行世數一行製葉子格以進葉子言二
十世李也其式亦不傳不知何時改用宋

江等名潘之恒葉子譜云葉子始於崑山
用水滸傳中人名爲角觶戲耳黎遂球連
掌經云署之以宋江之徒者必勇敢忠義
然後可勝而又非徒讀書者所能知故署
之以不知書之人其法分立四門自相統
轄由空齋至九爲錢累錢爲百累百爲萬
累萬爲十萬以至萬萬萬勝千千勝百百
勝錢錢數賤九而貴空殊倒置有味戲百

出而不窮用數多而尚變野史贊曰履其
成無忘其空空以基之成以息之葉子之
所由作也又曰聞賓四門所以禮賢不聞
積聚而工數錢故愚稱守運之有神能積
能散存乎其人空不居其歛萬不履其盈
崔苻之輩若宋公明亦足爲世所程誰曰
不經○古惟扯張鬪虎至馮猶龍始爲馬
弔謂馬四足失一不可行故分四壘各執

其八而虛八爲中營主將護之以紀殿最
定賞罰無掉者謂之赤足部中惟百萬簪
花上國之將相也猶齊之管晏鄭之僑肸
魏之信陵雖臣而威震主矣故其實獨專
勝亦得敗亦得或倍之以勝倍也或三之
以自出師而捷故三也主將得百萬無尊
無捷而亦勝矣四尊部中之最尊者也軍
罷而稽程倘不得其儔雖尊而不勝兼者

尊之第二葉也倘逢其尊雖兼亦勝極者
部中之最卑者也倘四極并臨或更逢百
萬是匹夫而稱雄雖極亦有時而獨尊軍
司馬紀錄可也

紙牌說

李東琪

式玉

紙牌說紙牌四十頁始乎錢

繼以索再繼以貫蓋散錢就緒始可以貫
計而極乎數之盛也然則曷始乎空沒文

此如漢高祖徵時實不能辨一錢也錢無以半計者而今有半錢何也蓋善權子母者雖半不遺而後可以累萬也由一錢至九錢而止竟不滿十蓋盈數天地所忌卽十文亦難驟至也繼之一索至九索而止一貫至九貫而止俱不滿十義蓋同之耳然何以至一貫始作人形前此錢未盈貫幾不得比於人數今纍纍然其萬矣皂隸

升爲衣冠銅臭立致公卿必然之勢無足
怪也自二十萬以至萬萬數極矣有其資
者勢擬乎封君而事可以帝制故尊之以
宋江也或曰大萬不易致此其人必有狙
詐之謀而參以殘刺之行盜固有道焉富
人類然矣乃錢索二十頁內獨空沒文亦
其人狀何也蓋能爲極有者固人萬萬貫
是也能爲極無者亦人空沒文是也顧安

知萬萬貫之不卽爲空沒文如鄧通錢布
天下而其後不能名一錢空沒文之或可
爲萬萬貫如魯頓貧不免飢寒而其後富
雄猗氏乎聚散倚伏之道於數紙內誕告
焉而特徵其旨耳獨是年來馬弔風馳幾
遍天下不知其法創自誰何然循其名角
其實抑亦世變風會使然有識者懼之耳

戒角文

蘇人好角人有招之而卽趨赴者毛序始
先生倣制義體集四書句作戒角篇曰賊
夫人之子角招是也甚矣若崩奔厥角不
待其招而往自賊者也二三子又從而招
之是誠何心哉戒之曰昔者竊聞之當在
宋也賊民興北方之強也今用之凡四等
三十二章張三子者出於已取之其下八
章若合符節戰必勝矣是道也衆皆悅之

君子不由也。夫人豈以不勝爲患哉？其慮患也深，弗爲耳。於此有人焉，狎於不順，非其罪也。損者三友，善誘人，則引之而已矣。引而不發，是難能也。上士一位，我爲我無所苟而已矣。夫召我雖多，知其非義，違之何如？有復我者，請辭。辭曰：聞戒戒之，在闕。旣富矣，財不可勝用也。出內之吝，一介不以與人。公輸子雖萬鎰，君無尤焉。曰：姑舍。

是何足筭也分人以財欲罷不能無處而
餽之是亦不可以已乎苟完矣則猶可及
止也韞匱而藏亦欲無加者人止於羸雖
閉戶人其舍諸曰某在斯爲可繼也他人
有心不奪不饜不善則失之則將及諸其
人乎或相什伯或相千萬不爲不多矣苟
爲無本請復之殆不可復空乏其身可立
而待也一朝而獲十終日不獲一難乎有

恒矣以若所爲雖得之不可必得亦悖而
出可坐而致也嗚呼勞其筋骨餓其體膚
孰樂吾不與也夜以繼日坐以待旦無益
不如學也已而已而往者不可諫戒之戒
之來者猶可追而今而後有同室之人鬪
者則已垂涕泣而道之可也鄉鄰有鬪者
趨而避之可也何也爲其賊道也於宋率
西水許強者居之今之君子無若宋人然

周鐵墩傳

鄭桐庵先生嘗作周鐵墩傳吳中故相國
申文定公家所習梨園爲江南稱首鐵墩
者又梨園稱首也姓周氏魁岸趨雄平顧
廣額方面短項身短而肥自頂至踵廣狹
方圓略稱人呼鐵墩鐵墩云當場而立未
彊遲重方其踢踡超距角牴趨躍雖俊鶻
飛隼莫能過也數歲時侍相國所相國目

之曰此童子當有異教之歌歌教之泣泣
教之官官教之乞乞書村宵摩滑稽教給
罔不形容曲中極於自然時復援引古今
以佐口吻資談笑於相國左右余素不耐
觀劇然不厭觀申氏家劇每坐間輒自提
掇毋踣跛毋舛鄙毋輕薄歌呼謔浪諧調
毋以道學示嚴重毋以氣節示凌蹕懼供
鐵墩揣摩去也觀者入其雲霧中啼笑悲

歡動心失志而鐵墩冷眼看人四筵之情
性畢見擅名梨園四十年遭逢時變暴富
之客將奄致之鐵墩蹙然曰承事相國以
至今日乃反顏面事趑趄見吾寧甘乎遂
絕群而往不復出踰三四年相國之後稍
稍整頓舊觀樂承平故事鐵墩始復出吾
聞其事甚感歎之蓋自四公子而後賢田
賓衛霍之家所養客亡不聰明才辨衛恩

知已及考其聚散離合之行曾鐵墩之不
若而析圭傭爵北面事人未有能眷戀舊
恩如若人者豈所謂有心玩世之流託伶
倫以諷者歟抑何其錚錚也北史稱江東
天子傳粉宮中羣臣口脂面藥搔頭弄姿
以爲君臣相說如此使當日輦上諸君以
鐵墩爲師盡其技詎不足貌優孟之長龍
冠貂蟬之幕也哉

食異

昌歆羊棗鯁鯁腹魚雖稍與人殊然亦巨
食所不廢也鮮于叔明之嗜臭蟲權長孺
之嗜人爪劉邕之嗜瘡痂唐舒州刺史張
懷肅左司郎中任正名李棟之服人精唐
書高仙芝傳載賀蘭達明好啖狗糞明初
僧宗泐嗜糞浸芝麻雜米和粥駙馬都尉
趙輝喜食女人陰津月水南京祭酒劉俊

喜食蚯蚓二西委譚載吳江婦人喜食死
尸腸胃似爲奇疾口有同嗜豈非虛語

洗筆池

潭州某邑有唐褚河南洗筆池至宋邑令
趙必穆於池中得一斷碑上刻先生湘潭
偶題詩云遠山僧翠凝烟爛熳桐花二
月天游遍九衢燈火夜歸來月掛海棠前
詩筆兼剏幾致湮沒

甘泉寺

鼎州甘泉寺介官道之側嘉泉便於漱酌
行客未有不停車者始寇萊公南遷日題
於東檻曰平仲酌泉經此回望北闕黯然
而行未幾丁晉公過之復題西檻曰謂之
酌泉禮佛而去後范補之謾安撫湖南留
詩於寺云平仲酌泉回北望謂之禮佛向
南行烟嵐翠鎖門前路轉使高僧厭龍榮

妓綴巾帶

黃山谷弟元明宰廬陵縣赴郡會座土巾
帶偶脫太守諭妓綴之旣畢俾元明換詞
曰銀燭画堂明如晝見林宗巾墊羞蓬首
斜插花枝線賒羅袖須臾兩帶還依舊倒
帶休今後也不須更漉淵明酒寶篋深藏
濃香薰透爲經十指如蔥手益調寄七娘
子也

召乩演戲

乩仙大約文人才士精靈之所托有金某
通其術詭稱一陳夫人號曰慈月智朗與
生有婚姻之緣請之卽來長篇大章滔滔
汨汨縉紳先生亦惑其說又有召鬼演戲
以數歲小兒爲之啼笑悲歡手舞足蹈一
童自稱西楚霸王持巨木而舞不知其重
適嘉興一士在旁謂曰吾有一對請魯公

對之西水驛西三塔寺前三座塔驛與寺
皆在嘉興童忽仆地遲久復起乃大言曰
北京城北五臺山上五層臺衆稱善復曰
吾爲此對幾遊遍天下矣半餉乃寢

合肥知縣

昔有翰林學士渾身濕兵部尚書徹骨寒
之句以爲佳對偶有合肥知縣瘦且骨立
直指戲曰合肥知縣因何瘦一時未有佳

對適蕪湖典史以解務至其人多鬚尹一
見卽云蕪湖典史怎多鬚直指笑而賞之

門神贊

祝枝山一日謁某巡按茶罷叙禮而退巡
按送至門祝見門神甚工極口稱賞巡按
曰請留一贊祝云手持板斧面朝天隨你
新鮮只一年巡按曰某請續之厲鬼邪魔
俱斂跡豈容小醜倚門邊相與大笑而別

王好戰

天啟中崑山顧秉謙爲相附媚魏璫聲勢
赫奕凡令尹過其門必下轎徒行時山陰
王忠陞爲令以事出行每迂其塗而過之
時有作四書文以譏之者王峯張中來嘗
誦其破承云王好戰固過相師之道也夫
道若大路然焉用戰謂其爲相與惜其文
不傳

三朝建言

成化間一御史建言順適物情云近京地方行役車輛騾驢相雜騾性快力强驢性緩力小今並一處驅馳物情不便乞要分別改正弘治初一給事建言處置軍國事云京中士人好嗜馬尾襯裙因此官馬被人偷拔鬣尾有悞軍國大計乞要禁革嘉靖初一員外建言崇節儉以變風俗專論

堅瓠集

卷一

三

各處茶食舖店所造看桌糖餅大者省功而費料小者省料而費功乞要壁畫定式功料之間務在減省使風俗歸厚極小事體生扭在極大題口上肉食者鄙信然

嘲竊句

陳亞卿竊古人詩句或嘲以詩云昔賢自是堪加罪非敢言君愛竊詞匪奈古人無意智賴先偷子一聯詩

判鼠

嘉靖間一御史某蜀人有口才中貴某欲

譏御史乃縛一鼠虫地諱四曰此鼠咬毀

余衣服請御史判罪御史判曰此鼠若問

笞杖徒流太輕問凌遲絞斬太重下他腐

刑中貴知其譏已然亦服其判斷之捷

戲臺對聯

康熙癸酉春蘇城搭臺演戲幾無隙地婦

女有搶去首飾者有被人奸騙者無賴生
事起釁不一當事不爲嚴禁至四月猶未
止予從石湖歸見彩雲橋北演戲登岸往
觀見臺上對語云六禮未成頂刻洞房花
燭五經不讀妾時金榜題名甚爲切當猶
憶幼時見一聯云逢場作戲把往事今朝
重提起及時行樂破工夫明日早些來四
句皆成語確是戲臺對聯移他處不得

佛汗

北魏孝昌三年二月洛陽平等寺金身兩目垂淚遍體俱濕三日乃止時人稱爲佛汗明年爾朱榮入洛誅戮百官殆盡宋靖康元年立春前一日太史局勾芒神流淚滴襟袖是年徽欽被擄元至正末吾蘇承天寺佛像亦垂淚僧拭之復出淮張據吳占寺爲宮有誓借承天住十年句

聖人前知

夫子生於魯其神靈尤顯於魯如漢時修
夫子宅鍾離意得壁之語雖爲不經然未
必無其事正德中劉六七攻山東夫子像
面汗出如雨其孫衍聖公以布拭之拭而
復出後賊至盡擄每朝所賜崇禎十四年
曲阜縣夫子廟中有見夫子下殿撫几而
哭泣下點點成血未幾國祚遂移此亦泣

麟之餘悲友袂掩淚之至痛耶

牛角山河

右相李綱方經理兩河以圖復中原黃潛
善汪伯彥力排去之車駕遂東幸兩河郡
縣相繼淪陷金人南侵高宗奔杭州而國
不可爲矣有人題詩于吳山子胥祠曰和
戰無成數戒嚴中原民苦望庶恬遷杭不
已思聞廣牛角山河日入尖

嘲王禹玉

王禹玉丞相既亡有人作書嘲之曰太師
因被子孫煎身後無名只有錢喏喏佞翻
王介甫奇奇歆殺宋昭宣嘗言井口難爲
戲獨坐中書不計年東府自來無土地便
應正授不須權其家經府指言張山人作
府尹追張至張曰某自來只作十六十七
字詩七言律某吟不得府尹笑而遣之

壁虎龜冤

禱雨用蜥蜴以其能致雨也朱熙寧聞旱
令捕蜥蜴一時無獲多以壁虎代送官府
民謠有壁虎壁虎你好吃苦之說明初大
江之岸常崩人言其下有猪婆龍一時恐
犯國姓祇言有龜高皇惡與元同音捕之
殆盡時亦有癩龜癩龜何不稱冤之謠世
之受誣而被害者寧止壁虎與癩龜哉

放生池記

慶元初趙師宰爲臨安尹請以西湖爲放生池作亭池上命國子司業高炳如文虎爲記高故博洽疾時文浮誕痛抑士子遂失衆心會記有鳥獸魚鼈咸若商歷以興已鑄之石始覺其誤改商爲夏痕刻猶存輕薄子作詞譏之云高文虎稱伶俐萬苦千辛作箇放生亭記從頭無一句說着官

家盡把大師歸美這老子忒無廉耻不知
潤筆能幾具王却作商王只怕伏生是你

龍虎對

度宗龍飛榜興化陳文龍爲狀元胡躍龍
爲省元時范文虎爲殿帥孫虎臣爲步帥
有人對云龍飛策士狀元龍省元龍虎帳
得人殿帥虎步帥虎

是他家屬

唐馮哀牧蘇州江外優佚暇日多縱飲博
因會賓僚擲盧馮突勝以所得均遺一座
乃吟曰八尺臺盤照面新千金一擲關精
神合是賭時須賭取不妨回首乞閒人嘗
因飲酣戲妓而軍倅留情索然無緒馮盼
之曰老夫過戲無能爲也倅擺衣而謝馮
因吟曰醉眼從伊百度斜是他家屬是他
家低聲向道人知也隔坐剛拋萱蕊花

李楊相謔

楊遂庵冬天氣盛而李西涯怯寒二公並
坐西涯屣以足頓地作聲遂庵曰地凍馬
蹄聲得得西涯見其吐氣如蒸遽云天寒
驢嘴一作象鼻氣騰騰益重貴有象蠻之誦遂
庵原籍雲南故也

嚴高相謔

常熟嚴相國訥面麻新鄭高相國拱作文

常用腹藁二相退食相遇高戲嚴曰公豆
在面上俚語誚蘇人曰豔豆兒嚴荅曰公
草在腹中蓋河南曰驢也一時捧腹

收勸學詩

勸學詩有少小須勤學文章可立身滿朝
朱紫貴盡是讀書人成化間馮御史徽以
事謫戍易前詩云少小休勤學文章誤了
身遼東三萬衛盡是讀書人

張陸題句

崑山陸靜逸欽對景題句云楊柳花飛平
地上滾將春去張亨父泰應聲曰梧桐葉
落半空中撒下秋來

狀元宰相

卞榮在萬閣老安坐適報廷試曾彥首選
安曰狀元却是瞌睡漢時彥年已六十矣
卞荅云宰相須用讀書人

一 义袋謎

祝枝山學佛語作义袋謎云無佛物不開
口開口便成佛盛物盤多羅詰結多羅破
多刹撒多佛物多難陀駝

蘿峰去位

張蘿峰陸辭之口有人粘詩于吏科門上
云大通橋下鷓鴣鳴寶鏡三千又送行歸
路若逢徐少宰入出相伴採黃精

嘲續絃

閩中陳成玉璣善謔友人周行可續絃謔
以詩云十分春色海棠開雲雨漫天暗裏
來可是東君勤愛惜煙蓑乘夜護花臺行
可多鬚故嘲之云

晚婚

正德中孫太初一元初談導引人疑其仙
晚婚吳興施氏妻妹李空同以詩嘲之曰

堅瓠集

卷一

三

癸

范子無端出五湖西施並載有耶無詩人
只合鶯鶯伴施家今是大姨夫 見說仙
人萼綠華晉昇平中萼綠華降羊權家麻姑亦降蔡經
家須防獅子河中吼背癢無言爪得爬

持水上壽

一士家貧欲與其友上壽無從得酒但持
水一瓶稱觴時謂友人曰請以欸後語爲
壽曰君子之交淡如友應聲曰醉翁之意

不在

卽事對

嘉靖庚寅夏言爲兵科都給事中以議郊
禮加翰林學士掌科事又服四品服色許
誥指其事爲對曰七品衙門五品官四品
服色以學士五品給事七品也無有能對
詩投司徒

嘉靖二年天下大災明年春無雨江浙蝗

尤甚未有蠲租之詔羅柔投詩于大司徒
孫交曰春雪消時木尚枯一詩持贈大司
徒漢文皇帝龍飛日不遇災荒也賜租

西涯撰誥文

李西涯撰劉瑾父封都督誥曰積善以貽
子孫嘗聞其語揚名以顯父母今見其人
又號令風行乎天下威名雷動於八方爲
京師傳笑

別號

昔子思孟子稱孔子亦曰仲尼未聞有別號也近世鯁生小吏亦各以別號標致諂諛之徒不敢稱其字況有一命者乎舊有詩云孟子名軻字未言如今道號却紛然子規本是名陽鳥又要人稱作杜鵑

御史口吃

明宣正間御史茂彪舌禿言澀侍西班有

聖鑑集

卷一

三

東班御史誤入西班彪乃面糾曰臣是西班御史茂彪有東班御史不合走入西班然彪言爲包班言爲邦滑稽者因其言爲一絕曰閭闔門開紫氣高含香嘗得近神堯東邦莫入西邦去從此人人憚茂包

張勳于謎

吾吳張幼于使才好竒日有闕食者佯作一謎粘門云射中許入謎云老不老小不

小羞不羞好不好無有中者王百穀穉登
射云太公八十遇文王老不老其羅十二
爲丞相小不小閉了門兒獨自吞羞不羞
開了門兒大家喫好不好

解跌

解大紳四歲出遊市中失足偶跌衆笑之
解吟曰細雨落綢繆街坊滑似油鳳凰跌
在地笑殺一群牛

壁間對句

侯鯖錄學士院壁間舊有題云李陽生指
李樹爲姓生而知之久無對者楊大年爲
學士乃對云馬援死以馬革裹屍死而後
已○葵軒瑣記邦江旅壁有對云鄒孟子
吳孟子齊人孟子一男一女一非男非女
周宣王齊宣王司馬宣王一君一臣一不
君不臣亦堪解頤

許子不憚煩

耕餘博覽虞集未遇時爲許衡門客虞有所私午後輒出館許每往不遇病之因書于簡云夜夜出遊知虞公之不可諫虞卽對云時時來聒何許子之不憚煩

一節三分

雪濤諸史一生員送廣文節儀只用三分銀子廣文出對曰竹筍出牆一節須高一

節生卽對曰梅花遜雪三分只是三分

字謎

雞肋編王介甫儉字謎云兄弟四人兩人
大一人立地三人坐家中更有一兩口便
是凶年也好過又有字點謎云寒則重重
疊疊熱則四散分流四箇在縣三箇在州
在村裏只在村裏在市頭只在市頭楊南
豐有門字謎云倚闌于東君去也霎時間

紅日西沉燈閃閃人兒不見悶懨懨少箇
知心近有人作德字謎云吳江人七條心
如今兩箇人合得一箇心仔細看看原是
兩箇吳江人以中有十四字也蓋諺有吳
江人七條腸之語故云他如秦字云兩畫
大兩畫小孕字云先寫了一撇後寫了一
畫他字云問管仲俱有思致

十可笑

嘉靖戊子張桂當路有書十可笑帖於朝
房者東廠受旨緝訪邏者分羣四出乃得
席瑤等十餘人皆傳誦者實非其編造也
張桂發怒欲以妖言律當之刑部胡端敏
公世寧奏瑤輩因聞編捏笑言敢于互相
傳誦罪止杖徒云○戒庵漫筆世宗一日
御朝見殿中一物行動命內監取視之乃
是蟹背有殊書張璫二字言其橫行也

肉事

肉林紂事也肉翅者魏鈴下登凌風臺如履平地也肉磨者晉世祖其宦者善吹謂胸有肉磨也肉飛仙者沈光也史見肉鼓吹者李匡遠也肉手爐者唐岐王于美婢懷中煖手也肉几者明皇憑黃嬪兒肩以行也肉屏風者楊國忠及杭州別駕杜駟選肥婢遮風也肉杖肉障肉障者亦國忠

也肉腰刀李林甫也肉臺盤者孫晟楊國
忠也肉雷者來紹也肉譜者李守素也肉
疾者申王也肉唾孟者嚴世蕃以美女受
唾方咳嗽美女以口受之也肉雙陸者王
天華果媚世蕃織成地衣令美女三十二
人紅素各半間擲點該移其位則趨以待
也水滸傳魯達打鄭屠以所切碎肉洒空
中似下一陣肉雨肉雨二字更新

隱軍字

袁穉庵先生自金陵來吳過訪適有以事
繫臬司獄者因問某應得何罪先生戲曰
帽兒蓋在車頭上余曰此先生調笑令中
詞料也先生遂成黃鶯兒曰運退走他方
譚失言輝少光渾家汲水都傾蕩襖兮衣
藏葦兮草藏帽兒蓋在車頭上鄆邑亡指
揮才少勾補子孫當舉坐絕倒近見一少

話載某軍官持畫像求先生作贊卽題曰
揮無手輝欠光禪去衣無恙運退走他方
渾家携水潑道傍休猜是太上老原來是
鐵甲將把一個大帽兒蓋在車頭上因知
先生久有軍字隱語也又聞先生在武昌
時某巡道謂曰聞貴府衙中有二聲碁子
聲唱曲聲先生對曰老大人也有二聲天
平聲竹斗聲某默然未幾先生遂掛彈章

蒙古出對

元時一蒙古人爲宰蒞任行香出對曰孟
孫問孝於我我衆皆哂之一生對曰賜也
何敢望回回宰人喜厚賞之○崇禎末有
以賣緣補廩者馮猶龍譏之云夫子絕糧
於陳命顏回往回回國借糧以名與國號
相同與以感動比往通謁大怒曰孔子要
攘奪狄怪俺回回常說回之爲人也擇賊

平糴斷不與顏子怏怏而歸子貢請往既至自稱不肖奉承常曰賜也何敢望回回羣回大喜以白糴一担先令携歸許以陸續送子貢歸述于夫子夫子攢眉曰糴便騙了一担只是文理不通聞者絕倒

事物自然對

江陵勞勞亭和人送別之所可對適適園
吾吳申相國園名陶穀化化牋以粗紙供

溷一化也取溷紙復抄二化也可對奇奇
集賈似道萃古人用兵以寡擊衆如淝水
赤壁之類自託援鄂之功明徐禎卿有歎
歎集皆消遣悲傷之作世號樹爲木野狐
以其媚溺人心可對紙老虎亦以紙牌能
耗人財也唐茶禁太嚴人畏之號草大虫
可對火花娘煉丹甚於溺色故有此名洪
州有娉婷市五代鍾傳侍兒所居可對溫

柔鄉峨嵋山有不到寺可對無定河謝無
逸以詠胡蝶得名人稱謝蝴蝶可對鄭鵝
鵝雍鷺鷥蓋鄭谷雍陶亦以二詩得名也
人以虫名

元末吳人呼秀才爲米虫近呼執喪事者
爲桑虫以喪桑同音也交易居間者爲白
螞蟻差人爲餓皮虱倉夫爲倉老鼠慣預
外事者爲醬裡虫幫閒者爲駐虫